



## **KENYATAAN / SIARAN AKHBAR**

Untuk maklumat lanjut sila hubungi:  
**Bahagian Komunikasi Korporat**  
**Perbadanan Putrajaya**  
**Tel: 03-88877033 Faks: 03-88811008**

### **TUITION MISSION PUTRAJAYA PASTIKAN TIADA PELAJAR TERCICIR NIKMATI AKSES KEMUDAHAN PENDIDIKAN**

**PUTRAJAYA, 27 Jun 2024** – Ketua Pengarah Jabatan Wilayah Persekutuan, YBhg. Dato' Indera Noridah Binti Abdul Rahim hari ini telah menyempurnakan Majlis Perasmian Program Tuition Mission Putrajaya Tahun 2024 bertempat di Dewan Seri Melati, Kompleks Perbadanan Putrajaya.

Perbadanan Putrajaya menganjurkan Program Tuition Mission Putrajaya bagi memastikan tiada pelajar yang tercicir daripada menikmati akses kemudahan pendidikan yang baik. Dilaksanakan buat julung kalinya pada tahun 2021, penganjurannya membuahkan impak yang positif berdasarkan keputusan Sijil Pelajaran Malaysia (SPM) tahun 2023. Di mana kesemua peserta dari Program Tuition Mission Putrajaya 2023 telah layak menerima sijil SPM.

Pada tahun ini program Tuition Mission Putrajaya telah disenaraikan sebagai salah satu aktiviti di bawah Program Usaha Jaya Insan (PUJI) dalam komponen ILMU@PUJI. PUJI telah diperkenalkan oleh Jabatan Wilayah Persekutuan (JWP) dan dirangka sebagai pendekatan inklusif dalam menangani isu sosio-ekonomi di Wilayah Persekutuan. Ia turut memaparkan inisiatif-inisiatif kerajaan dalam membantu golongan miskin tegar/miskin di Wilayah Persekutuan.

Pada tahun ini, seramai 100 orang pelajar dari 9 buah sekolah menengah di Putrajaya telah terpilih sebagai peserta Program Tuition Mission Putrajaya Tahun 2024. Barisan tenaga pengajar terdiri daripada 16 orang guru berpengalaman merangkumi 4 subjek teras SPM iaitu Bahasa Melayu, Bahasa Inggeris, Matematik dan Sejarah.

Program yang mensasarkan penyertaan pelajar daripada golongan yang kurang berkemampuan ini, turut mengetengahkan objektif program untuk meningkatkan potensi diri ke arah kecemerlangan yang holistik. Sebelum kelas Tuition Mission Putrajaya 2024 bermula, para peserta program terlebih dahulu akan mengikuti sesi *Ice Breaking* dan seterusnya sesi Motivasi "Kembara Ilmu" dalam usaha meningkatkan keyakinan diri mereka.

Kelas Tuition Mission Putrajaya akan dilaksanakan secara fizikal berpusat di Kompleks Kejiranan Presint 16. Kelas dijadualkan pada hujung minggu setiap bulan bermula pada 2 Julai hingga 30 Disember 2024. Semoga program ini dapat membantu pelajar-pelajar yang akan menghadapi peperiksaan SPM yang akan datang.

  
b.p. Presiden Perbadanan Putrajaya

Tarikh: 27 Jun 2024

---

Sila hubungi Pegawai Media PPJ (Puan Haryani binti Kaulan di talian 019-3831564) bagi keterangan lanjut berhubung siaran media ini.